

# Lokasi runtuhannya masih berisiko – Bomba

**KOTA KINABALU** – Lokasi tanah runtuh yang mengorbankan dua kanak-kanak berusia dua dan 11 tahun di kawasan setinggan di Jalan Bukit Nenas di sini pada Rabu lalu diletakkan sebagai kawasan berisiko tinggi.


Timbalan Pengarah Jabatan Bomba dan Penyelamat Malaysia (JBPM) Sabah, Farhan Sufyan Borhan berkata, ini berikutan keadaan cuaca yang tidak menentu di kawasan tersebut ketika ini yang dikhuatiri boleh mengundang kejadian yang tidak diinginkan.

“Lokasi kejadian tanah runtuh ketika ini diletakkan dalam kategori berisiko tinggi.

“Tinjauan di lokasi runtuhannya juga mendapati kawasan itu masih dihuni oleh sejumlah keluarga, namun tindakan dibuat dengan menasihati mereka supaya berpindah dengan kadar segera untuk mengelak tragedi sama berulang,” katanya ketika dihubungi *Kosmo!* di sini semalam.

Menurut Farhan, pihak Jabatan Kerja Raya (JKR) Sabah juga telah diminta untuk menilai situasi keselamatan di kawasan bencana tersebut.

“Oleh itu, JBPM Sabah meng-



**KERATAN *Kosmo!* semalam.**

## **LOKASI kejadian tanah runtuh di Jalan Bukit Nenas, Kota Kinabalu.**

ingatkan penduduk yang tinggal berhampiran cerun bukit dan sungai agar sentiasa berwaspada dan peka dengan keadaan sekeliling terutama ketika hujan,” katanya.

*Kosmo!* semalam melaporkan dua kanak-kanak maut, manaka-



Tinjauan di lokasi runtuhannya juga mendapati kawasan itu masih dihuni oleh sejumlah keluarga, namun tindakan dibuat dengan menasihati mereka supaya berpindah dengan kadar segera untuk mengelak tragedi sama berulang.”

la dua lagi cedera selepas tertimbus dalam kejadian tanah runtuh di Jalan Bukit Nenas.

Mangsa, Isa Sabri, 2, dan Norain Jaziz, 11, disahkan meninggal dunia di Hospital Queen Elizabeth di sini.

Siti Nur, 28, yang patah tangan dan suaminya, Sabri Botong, 28, cedera ringan di kaki menerima rawatan di hospital sama.

Bomba menerima panggilan mengenai kejadian itu pada pukul 8.26 malam. Runtuhannya tersebut menghempap sebuah rumah yang didiami sembilan sekeluarga.